







34
1
L
2





PERSEVS AVSTRIACVS
LEOPOLDVS AVGVSTVS
ROMANORVM IMPERATOR
REGNORVM VINDEX

MELODRAMMATICO CARMINE
INTER MVSICOS CONCENTVS ACCLAMATVS

D V M

FRANCISCVS RODVLPHVS a SALIS ROETHVS
CATHEDRALIS ECCLESIAE CVRIENSIS CANONICVS
SEM. ROM. CONVICT.

PHILOSOPHIAE LAVREA DONARETVR
ROMAE IN AVLA MAXIMA COLL. ROM.



ROMAE; Ex Typographia Ignatij de Lazaris. M. DC. LXXVI.

SUPERIORVM PERMISSV.

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF

THE UNIVERSITY OF



LEOPOLDO AVGVSTO
ROMANORVM IMPERATORI

FRANCISCVS RODVLPHVS a SALIS
FELICITATEM.



Erseum Austriacum Philo-
sophicis expressum The-
sibus, nouis Pœsis huius
coloribus delineatum Ti-
bi sisto, & Te Tibi denuo
repræsento Auguste Cæ-
sar. Sub oculis posita frueri fama Tui : &
quid de Te sentiat orbis Terrarum, quid

de Te loquatur Cœsaribus suis quondam triumphalis Capitolij rupes inter hæc carmina experire . Nil enim priuato in Te officio meo concessum , nil Musis permissū volui , quod publica Gentium omnium suffragia prius de Te non approbauerint . Hic est communis omnium consensus, hæc generis humani vox : **LEOPOLDVM COESAREM** regnorū Vindicē, ac assertorē esse. Secutus sum famæ rumorem, qui vt cœteras mundi plagas , quamuis seductas , & ab ipso etiā sole alienas , ita Romam nomine Tuo vsque adeo impleuit , vt ipsam pudeat ruderibus suis, et religiosis vetustate lapidibus peregrinæ admirationi Augustos suos ostentare : cum Tu nouum Imperatoriæ maiestatis exemplum omni heroicæ antiquitati præstes, & in obliuionem Romanos illos , adorata sæculis nomina , Imperatores inducas . Non vacat hic recensere titulos omnes virtutum tuarum, quæ vigilias historicorum occupabunt ; satis est proposito meo ipsa gelidi septentrio-

trionis asserta regna commemorare , vt iu-
 remerito videar Tibi nomen Vindicis tran-
 scribere. Cum enim Te qua late patet Sar-
 matia , Te Dania scopulis suis , Te Tran-
 siluania , Te Pannonia Assertorem suum
 publicè agnoscant, & quod tutæ, quod flo-
 rentes sint Tibi debere se fateantur, cur ego
 reformidem Perseū Austriacum Te nun-
 cupare? nec profecto in Te fabula menti-
 tur, sed superatur . Non enim vnā fatali
 scopulo religatam Puellā marinæ belluæ
 ieiunia expleturam vindicasti , sed integras
 Prouincias , sed vasta Regna in libertatem
 asseruisti . Ad primordia Imperij Tui ap-
 pello Cæsar , cum , vt de nouo Augusto
 experimentum facerent superi , inopinus
 turbo bellorum scæuas procellas super Po-
 loniam primum excussit, inde latius se ef-
 fundens Daniam, mox Transiluaniam, po-
 stremo Pannoniam tuam ferali Marte in-
 uoluens vniuerso septentrioni terrorem in-
 iecit. Et ne quid deesset calamitatis, com-
 muni orbis christiani malo excitus Propon-
 tide

tide sua Othomannus, aliena bella suam occasionem ratus, ad opportunam dissidentium regnorum prædam armatus processerat. Iam Daniæ montes nutabant, iam Transiluanos ipsa, quam Polonis iniecerant, flamma corripuerat; & Polonia æque hostibus ac ciuibus lacerata tyrannidis iugum subierat. Regno exturbatus Polonus Rex exilium suum per propinquas nationes circumferens affinium opem Principum imploraturus, ad tuum finum tamquam ad aram securitatis suæ confugit. At quis tunc alienis occurreret malis cum quisque sibi circumfremente à bello timeret? satis tunc erat à proprijs laribus flammam arcere. Conclamatum profecto erat de tot florentibus quondam Regnis, ni Te Tua indoles patrio fulmine, ac vindice telo armasset in publicæ pacis perturbatores. Veluti præsens lugentibus Numen tutelari militum expeditione conuulsam Sarmatiam, corruentem Transiluaniam, vltima pertimescentē Daniam breui confirmans,

exactis iugulatisque hostibus, compositis
 ciuibus, Regibus vel in solium reuocatis,
 vel à bello redemptis, vbique victor, æter-
 na augustæ generositatis vestigia, pacem,
 & otium reliquisti. Quodque magis mi-
 randum est, non prius triumphalia mili-
 tum tuorum signa ad tua defendenda reuo-
 cauisti, quam in integrum Regum, & Re-
 gnorum lapsas fortunas restituissent. Ac-
 cepto enim libertatis beneficio ingrata au-
 ctori fidem deseruerat Transilvania, & hac
 vix in officium reuocata, vt tibi noua trium-
 phorum materies ex ipsis triumphis pube-
 sceret, Vngariam belli fluctibus agitatum
 perpetuo Regnum, Turcarum armata di-
 luuies inundauerat. Sed eundem Te, quem
 hæresis proprio periculo experta erat, sen-
 sit armis inuictum superstitione, vt nulla ho-
 minum lues esset de qua triumphum non
 reportares. Ea namque, qua par erat, feli-
 citate voracissimum vno prælio hostem ad
 eam adegisti necessitatem, vt qui ab infelici
 pugna superfuerant beneficii loco habue-
 rint,

rint, quod fugam supplicibus concesseris;
 nec super ipforū cadauera ad ipsum per-
 fidia caput Byzantium viētrices Aquilas di-
 ruendum immiseris. Sensit amarum bene-
 ficium Thracius Prædo, nec vnquam in
 posterum ausus est tua Regna allatra-
 re; ac inter præscripta relinquet Poste-
 ris suis, ne vnquam Tuas Aquilas ad bel-
 lū irritent. Ex quā victoria duplex triū-
 phus Tibi scilicet, & Religioni partus est;
 nec enim Tibi decorus triumphus ille vi-
 debatur, in quo fides, & Pietas tecum non
 triumpharent. Pannonēs namque duplicis
 fidei quondam desertores, tuis subiecti
 simul ac vindicati armis, non prius Tibi
 quam Romanæ religioni reconciliati, di-
 dicerunt aditum ad Tuam gratiam illis non
 patere, qui hæreditarium Austriacæ Do-
 mus hostem, hæresim non proscriberent.
 Sed sibi feliciter, & Religioni prospere pu-
 gnauisse, commune decus est ijs omnibus
 qui ab eodem Austriæ genere tecum ori-
 ginem traxere; id quod vnicè Te posteri-
 tati

tati commendat, & quod præcipue pectoribus omnium insedit, est, quod eundem, quo tua defendebas, ardorem bellandi propugnandis alijs impenderis, & sub initio Imperij nouus Cæsar non Tibi fausta, non lata regnandi auspicia reputaueris nisi multis Regibus diadema stabilires. Hoc nouum exemplum tot Victorijs numquam sibi vicisse; probe enim videbas ad augendum fastigium tuum nihil aliud superesse, quam vt ad defendendos alios Reges descenderes. Et profecto Numinis prouidentia factum est, vt semper à Tuis Aus amplificentur Imperij fines, & ad Te cunulatum adeo per innumera Gentilium Imperatorum nomina sceptrum deriuaretur, vt maiores Tibi adessent Vires, quibus Regum, & Principum Respublica incolumis, & tuta stare posset. Tu ipse hoc frequenter vsurpas: Tibi, scilicet, affatim esse Imperij, satis ditionis concessum à superis, illud vnice superesse; vt tua tuearis, aliena defendas. digna Imperatore vox; qua ef-

fecisti vt tua felicitas sit commune hominum votum, & quæ ipsi nobis, Tibi quoque à Deo precemur. Confusæ enim sunt generis humani, & LEOPOLDI sortes, atque ab vnius vicibus pendet orbis terrarum vicissitudo. Liceat igitur mihi, Auguste Cæsar, Philosophicam lauream, ne statim arescat, inter tuas triumphorum immortales lauros miscere, & musicæ concentu Te fabuloso quidē, sed opportuno nomine PERSEVM AVSTRIACVM, Vindicem nempe regnorum appellare. Quod si hæc *moderationi tuæ*, qua magna facere potius quam de Te audire cupis, nimia videbuntur, tuas virtutes incusa, quibus præstitisti, vt nihil, vel mediocriter de Te dici possit, quod magnum, quod exaggeratum non videatur. Vale.



II

PERSEVS AVSTRIACVS

IN REGNORVM TVTELAM

IVSSV NVMINIS ARMATVR .

A PALLADE .

MELOS I.

Pallas Vulcanus

Chorus Palladis , & Cyclopum ,

Chorus Seditionis , & Rebellionum .



Chor. Pall.

Chor. sedit.

Chor. Pall.

FOue flammas , funde æra , cude arma Steropes .
Armata hydros , stringite faces Erynnides .

Opaca cæcis ætæna vaporibus ,

Defessa longis antra laboribus .

Vrgete flammas , ignea fundite

Metalla venis flumine torrido .

Nigros fabros , Ætææ regem

Grauis labor , noua cura

PERSEVS occupet AVSTRIACVS .

Chor. sed. & Reb. Non Getæ , non Thraces

Nocturnos labores

Cyclopum timemus .

Nos Erebi faces

Tænareos furores

Ad bella ciemus .

Hoc belli turbine ,

Hoc Martis fulmine ,

Urbes , Regna , Montes , flumina ,

Diuos , astra , cæli lumina

Inuoluemus obruemus .

Chor. Pall.

Hospes aura Cœli mitis

Ridet nubes, & procellas,

Premit nimbos, & in stellas

Frustra videt flumen Ditis

Ferre remos, dare vela.

Vane furor pone tela.

Chor. sed. & Reb.

Præcipitate moras, animate in prælia turmas

Pallentes furia soboles Acherontis, & umbras

Flumine torpentes Stygio laxare per orbem.

Nulla vacet terra luctu,

Regna gemant Thraces hostes.

Martis igne, belli fluctu

Fines orbis Cœli postes

Inuoluamus, obruamus.

Pallas:

Martis atroces sonuere nimbi.

Ditis effusi furiale bellum

Orbe baccatur, placidisque spargit

Funera regnis.

Armat Orion radios maligna

Luce: conceptis caluete rixis

Artares brumæ, niuibusque sæuus

Pascitur ignis.

Mole bellorum ruiturus orbis

Plorat Arctous, sine Rege regna

Vindicem clamant, & amica pulfant

Fletibus astra.

At quis Alcides oneri lacertos

Commodet tanto redimatque rerum

Fata labentum, trepidasque casu

Fulciat Arctos?

Te parem tantæ voluere moli

Astra, Te mundo columen dedere

Cæsar, en orbis tibi se regendum

Credat Atlanti.

Sume Terrarum LEOPOLDE curam:

Sceptra quæ tractas, dominata dudum

Otio rerum, grauiora discant

Pondera mundi

Tu

Tu vices Regum teneris ab annis
 Disce commissas stabilire bello,
 Fata Regnorum meditare ab alta
 Pectoris arce.

Illud Augustam diadema frontem
 Haud iuuet, cuius Nabathæa fulgur
 Regna non norunt, nec adorat Afris
 Maurus ab undis.

Sic stat effusos cohibete fletus
 Impio bello lacerata regna.
 Vindices iras LEOPOLDVS omni
 Destinat orbi.

Mulciber fortes, age, dic Cyclopes
 Cæsari fulmen properent trifulcum,
 Quale nimborum iaculatur arce
 Iuppiter ardens.

Hoc placet diros agitare Thraces,
 Hoc flagrent Vrbes Scythiæ vagantis:
 Fulmine exusta Rhodope bisfronti
 Rûpe fatiscat.

Qua rubet Ganges pretiosus undis,
 Qua dies pallet, gelidumque Ponto
 Voluitur Cœlum, igniuomæ vagentur
 Fulgura dextræ

Regna respirent reparata luctu,
 Cerberus prædâ sibi destinatam
 Latret ereptam, laceretque rupem
 ore trilingui.

Vulcanus.

Numinis Imperium poscit Cyclopes in arma
 Austriaco sudanda Ioui. grauiore tumultu
 Antra gemant, sudet Brontes, Vulcanus anhelet,
 Et LEOPOLDO desudet fornacibus Aetna.

Cyclopum labore
 Tepefcent cauernæ
 Et specus infernæ
 Resultent clamore.

Urgete labores
 Fatorum ministri

Cy-

- Cyclopes nocturni, --
 1. *Chor. Cyclo.* Ardet fornaces,
 Et flammæ voraces
 Liqueat metalla.
2. *Chor. Cyclo.* Ardet Aetna, feruet specus,
 Brontes, Steropes, Pyracmon
 Fundunt cæra, cudunt arma,
 Et candentia metalla
 Malleorum quatit ictus
 Ut inuictus LEOPOLDVS iam armetur.
1. *Chor. Cyclo.* Fulminis vires celeres, voraces,
 Turbinis Diras volucres, rapaces
 Fulguris toruas animas in ense
 Finge Pyracmon.
2. *ex Chor. Cyclo.* Cassis intortas iaculetur iras:
 Ægis ardores adamante vibret:
 Ære fatalis clypeus trilici
 Vulnere spernat.
 Ægida, fulmina, cassida, Clypeum
 Cætico funere, vulnere scythico,
 Bosphori ~~Gangæ, Strymonis, Danubii~~
 temperet ignis.
3. *ex Chor. Cyclo.* Proh quale surgit fulminis ignei
 Opus Cyclopes! quantus in impetus
 Se prodit ensis! quo vel ipsi
 Artifices trepidamus Aetnæ.
 Non hoc Gigantum Iuppiter ardua
 Vastavit ardens pectora fulmine.
 Non hoc tonantem armauit vnquam
 Igne manum ruiturus Arces.
 Proh quanta Dacis, quanta Borystenis
 Genti parantur funera? quas dabit
 Hoc ense strages, quas ruinas
 In populos iaculabit audax
 Cæsar? Scytharum tincta cruoribus
 Iam Luna nutat, iam videor procul
 spectare disiectas phalanges
 Odrysijs trepidare campis.

Vulcanus.

Age Pallas dic Amores
 Cæsar sumat martiales,
 Vocet iras, & furores
 Armet manus triumphales!

Chor. Pall. & Cy.

Cæsaris dextera Tonantis
 Fulgurent nubes, militent procellæ:
 Vos rerum Curas LEOPOLDO credite stellæ.



PERSEVS AVSTRIACVS

ARMIS A PALLADE INSTRUCTVS

REGNIS LIBERTATEM, AC PACEM

REDDIT

MELOS II.

*Chorus seditionis, & furiarum,**Chorus Regnorum;**Chorus Palladis.**Chor. furiar.*

I Am nunc minaci classica munnure
 Clamite, pugnas, astra laceffite.
 Silux, ~~caetera concana montium;~~
 Valles, paludes, lictora, flumina,
 Semota mundi limina martio
 Clamore plorent; AEthere sidera
 Terrore nutent; lumine pallido
 Phebus cruentus, lampade liuida
 Incerta Phæbe tempora diuidat.
 Horror, timores, sollicitudines;
 Pallor, dolores, mortis imagines
 Mundum flagellent, Cœdibus obruant.

1. ex Chor. fur.

Cincta lernæos colubros Megera
 Sedis infernæ lacrymanda proles
 Vade Dynastas agita Polonos
 Vade bellaces populos rebeli

2. ex Chor. fur.

Perde tumultu.
 Triste flammæ quatiens flagellum
 Solis Alecto populare tegna.
 Baltidos ripæ, niueique montes

Ar-

Ardeant bello, rubeantque multo
 Sanguine brumæ:
3. ex Chor. fur. Non sat vnus sniale pectus
 Sarmatæ placat lues immerentis.
 Daciæ fato lacrimentur amnes,
 Pannonum fines fluitent amaro
 Flumine belli.
 Austriæ sceptrum pharetras Geloni,
 Austriæ regnum scythicas phalanges,
 Nomen inuisum LEOPOLDVS hostem
 sentiat orbem;

Omnes

Robora Bistonis;
 Arma Borysthenis
 In Urbium rapinas,
 In fidei ruinas,
 In cædes, in mortes,
 Et martis in sortes
 Arbitra belli
 Ducat Erynnis:
 Gemat orbis, furia ridete.
 Arma viri, bella viro.

Chor. Sed.

Aere ferali sonuere Ditis
 Antra. Dirarum Phlegeton cateruas
 Armat, in pugnas reuocate turmæ
 Pectore vires.

Tollite prompti signa Gradiui;
 Cogite turmas ense minaces,
 Ite feroces, ite voraces,
 Semina belli, funera, sortes
 Fundite luctus, spargite mortes.

Præit pugnīs, præit palmis
 Tristi vultu, fronte fera
 Ira, metu, strage, fulgure
 Tæda, minis, flamma, sulphure
 Cincta Megera.
 Gemat orbis, furia ridete
 Arma Viri, fata ciete.

1. ex Chor. Reg.

Hec pictas captiua subit mea limpha catenas

2. ex Chor. Reg.

Vistula Barbarico flebilis vnda iugo.
 Heu dolor! in lacrimas captiuos Scandia montes
 Soluit Hyperborei murmure clausa maris.

3. ex Chor. Reg.

Heu decus creptum! scythico proscindor aratro
 Barbara Pannoniam depopulatur hyems.

Omnes.

Gemite siluæ, gemite fontes,
 Flebile murmur, reddite montes.
 Murmure tristi, carmine mæsto
 Gemitus Echo comes adesto.

1.

Plorante susurro

Dum fata recurro

Per gramina riui

Iam præda Gradiui

Liquate dolores,

Et ruris Amores

Lugete frigaces.

2.

Rupes fletu turbant riuos.

Surda tamen silent astra.

Perge fletus, Coeli claustra

Rumpe questu, flecte Diuos.

Heu fundis in auribus

Suspiria ventus.

In gramine lentus

Suspiria lauris

Crede Pastor, scribe cultor.

Exoriare aliquis nostris e fletibus vltor.

3.

Vos crescite lauri

Et vulnera ruris

Crescentia duris

Ostendite stellis;

Et docta procellis

Loquacibus aura

Referre querelas

Singultibus aura

Loquuta querelas

Sis nuncia fletus,

Et gemitus index:

Exoriare aliquis nostro de sanguine Vindex:

Fa-

Omnes.

Facundæ siluæ, doctæque silentia rupis
 Vos quoque sideribus nostras memorate querelas,
 Et quæ fessa malis sine Vindice regna dolemus.

1. Chor. Pall.

Non sine Vindice regna doletis.

En fulminis Ales
 Ministra Tonantis
 Aetneis ab antris
 Secat auras, scandit Cœlum.
 LEOPOLDE fume telum.
 Fulmen vindex stringe belli
 Torque flammæ, & rebelli
 Marti vulnus fige Cœsar
 Vre Dacos, cœde Getas
 Misce strage, trade neci.
 Regna Dani, regna Leci
 LEOPOLDI dextra sospitet.

2. Chor. Pall.

Pugnat Cœsar, rotat fulmen
 Caucaſi iugum, Carpati culmen
 Dextram trepidant rubentem.
 Scytham procul fugientem
 Horror quatit, timor vexat.
 Gemat Orcus, furiz pallete.
 Dies eat Cœlo lætus.
 Gentibus illatus NON EST SINE VINDICE fletus.



PERSEVS AVSTRIACVS^o

REGNIS IN LIBERTATEM ASSERTIS

MVLTIPlici TRIVMPHO

REGNORVM VINDEx ACCLAMATVR.

M E L O S I I I.

*Chorus seditionis, & furiarum.**Chorus Palladis.**Chorus Regnorum.**Chor. Sed.*

Heu pudor; heu dolor: vltices vibrare sagittas
 Parce Getis Numen; nostro saturare cruore
 Parce manus Cœsar. Dacis iam parcite Diui.

*Invida Sidera, pallida nubila**Fulgura liuida, fulmina rapida,**Clasfica trepida, rauca tonitrua**Coniurata ruunt perdere Bistonas.**Baccantur scythicis funera castris:**Vicistis superi, cedimus astris.**1. Chor. Pall.**Tuba clange triumphalis**Voca risus, & lepores,**Pugnæ decus, & honores**Cic. cantu martialis.**Vicit Cœsar, premit hasta**Cœsos Thraces, victos Getas,**Ruptos arcus, & pharetras**Ditis angues, & cerastras**Pede calcat, stringit ore**Tuba clange, fer canore**Super astra LEOPOLDVM.**Et rupes, & valles,**In.*

Inhospiti calles
Altaque Cæsareos resonent Pangæa triumphos;

2. *Chor. Pall.* Victrix age iam quâdriga

Per assertas vade Gentes.

Vultu Cæsaris sereno.

Fuga Ditem pelle styga.

Procul Thraces fugientes.

Ora trepident Victoris.

Chor. Pall. Sidereæ lumen facis,

Fulgur placidi nitoris.

Super arua strata Dacis,

Super fessa bello rura

O bis Amor Cœlicuræ

LEOPOLDE tandem explicat.

Chor. Reg. Tetricæ rupes, vitæque fontes,

Pallidæ Valles, quæcunque montes

Martis obliti reuocate tandem

gaudia frontis.

Regna bellorum reparata fluctu,

Flumina a diro rediuvina. Inctu

Vindici gratam resupina longæ

tendite dextram.

Parrasis, Helicæ, fera Bootes

Ætere frigida sidera sternunt

Luce reclini lambere gestiunt

tempora Cæsaris.

Dania. Vndarum vos Nimphæ,

Vos æquoris limphæ,

Vos maris vndosi,

Tritones squammosi

In faciles choros

Componite fluctus,

Et Nerei decoros.

Ostendite fastus,

Iam fugit nefastus

Bellorum tumultus

In Cæsaris cultus

Abite iocantes.

Par Baltidos ripas
 Perpetuo sonantes
 Assurgant victori
 Structuræ minaces:
 Hic vndæ loquaces
 Et fluctus canori
 Per ripas triumphos,
 Dum grates reponent,
 Cæsaris ingeminent, & magnum Nomen adorent.

Sarmatia.

Vos Nymphæ silvarum
 Arborcos honores
 Decerpite flores,
 Et diues aquarum
 Qua viftula Daci
 Inundat cruore:
 Hic pacis trophæis
 Ornate virentes
 Et lauræ, & fagos;
 Ac spolijs lethæis
 Cuprelli micrantes
 Con terminos pagos
 Deleſcent horrore:
 Hic Bacchus, & Ceres,
 Et reduces Lares
 Incidant in vlmis
 Socialibus vmbriſ:
 Hæc otia facis
 Qui belli vices temperas, & pæcis.

Pannonia:

Iam ite per rura
 Gradiui ſecura,
 Et cœdibus ſtrata
 Depaſcite prata
 Lanigeri greges.
 Danubius qua plorat
 Vndarum tumultu,
 Et pallido vultu
 Recifos explorat
 Iacentes Gelonos.

Hic

Hic Satiri agrēstes;
 Et Fauni siluestres
 Exuijs Getarum
 Insultent amarum.
 Et fontes, & riui,
 Et memores cliui
 Loquantur : hic Traces,
 LEOPOLDVS fugauit,
 De Dite triumphauit
 PERSEVS AVSTRIACVS,
 Qui redimit Reges, qui faro vindicat orbem :



A PERSEO AVSTRIACO

GERMANIÆ, ET EVROPÆ PACEM POSCIT

RHENVS.

M E L O S I V.

*Rhenus.**Chorus Nympharum.**Rh.*

Silete tandem bellâ, tonitrua
 Silete martis; nubibus expédi
 Nunc ora Cæsar, dexteramque
 Fulminibus vidua Tonantem:
 Tonantis est telo
 Non ~~semper ardere~~
 Aut nubes armare;
 Sed nimbos placare
 Et sæpe ridere
 Tonantis est Cælo:

Chor. Nymph.

Sat datum Gradiuo,
 Triumphis est satis
 Consultum; a stratis
 Gelonis, & Getis
 sat pullulant lauri:
 Tu nouo cruore
 Iam dudum relictas
 Ne tinge sagittas
 LEOPOLDE; sed Rheno
 Et mundo precante
 A nube Tonante
 Bellorum recede.
 Et recens a Cœde

Iam

Rb.

Iam mundo pacem tranquillam fronte serena .

Pax alma quondam regna per exera

Asserta telo Cæsaris , & super

Thracesque , Dacosque , & recentes

Bistonias stabilita Cœdes

Huc volue bigas . florea vincula

Impone dextræ Cæsaris arbitræ

Et pacis , & belli , trifulcum

Fulmen adhuc , celerisque fati

Ne tractet hastas . otia pectori

Infunde magno : Sceptra Rosarijs

Mollita iam damnent cruento

Hoste super tonuisse bello .

Exutus armis belligeras sinu

Tranquillet iras . Patris amoribus

Mitescat , Augustusque Natus

Inueniat sine nube pectus

Mitis Parentis . Candida fausticas

Lætique mundi grata silentia

Debentur Infanti , laborat

Cui Lachesis glomerare fuso

Annosa Vitæ stamina , & aurea

Vnius auro voluere secula ;

Vt longa nascendi rependat

Damna moræ vberiore lucro .

Tu quæ sereno degis in otio

Qua parte Cœlum splendidius niter

Felicitas cunctata Rheni

Si viduas miseraris Vrbes

Dilata tanti gaudia Germinis

Iam prode Terris . oscula Gentium

Solare partu , erretque paruus

Austriaca LEOPOLDVS Aula .

Audimur . ictu lucis amabilis

Mauorū adactus nubila dissipat

Belli furentis , lugubresque

Implacidis Rhodopes Cauernis

Nimbos reuincit . strata silentio

Tellusque, Cælumque, & Nereus æquore
 Dulci reclinantur sopore,
 Atque Polo taciturnus orbis
 Expectat ortus sideris Austriæ.
 Auditis Io? Labitur æthere
 Augustus Infans; ite cunas
 Et roseas properate vittas.

1. *Chor. Nimp.* In sinu Victoriæ
 Iam nascere Puer:
 Armorum tu quies
 Tu candidos dies
 Recudes, & ore
 Ac vultus decore
 Querelas, & metus
 Fugabis, ac lætus
 Dracones elides
 Augustus Alcides.
 Te frigore torpens
 Veretur Bootes,
 Et nudus arenis
 Adorat te Mauius:
 Nascentes inter iam nascere laurus.

2. *Chor. Nimp.* Terræ Regna, sceptræ maris
 Sese pulcro sternunt pedi:
 Magne Puer quid moraris
 Orbis Amor, timor Ditis
 Ditis metu iam pallentis:
 Nascere FELICIS soboles Augusta Parentis.



Imprimatur, si videbitur Reuerendiss. P. Sac. Pal. Apost. Magist.
L. de Ang. Arch. Urb. Vicefg.

Imprimatur:

Fr. Raymundus Capisuecus Ord. Præd. Sac. Pal. Apost. Magist.

1. *Phragmites australis* (Cav.) Trin. ex Steud.
 2. *Phragmites australis* (Cav.) Trin. ex Steud.
 3. *Phragmites australis* (Cav.) Trin. ex Steud.
 4. *Phragmites australis* (Cav.) Trin. ex Steud.
 5. *Phragmites australis* (Cav.) Trin. ex Steud.
 6. *Phragmites australis* (Cav.) Trin. ex Steud.
 7. *Phragmites australis* (Cav.) Trin. ex Steud.
 8. *Phragmites australis* (Cav.) Trin. ex Steud.
 9. *Phragmites australis* (Cav.) Trin. ex Steud.
 10. *Phragmites australis* (Cav.) Trin. ex Steud.





ref. 43/2000



